



Republic of the Philippines  
MUNICIPALITY OF SANTA ROSA  
Province of Laguna

**OFFICE OF THE SANGGUNIANG BAYAN**

SIPI MULA SA KATITIKAN NG IKA-TATLUMPU'T APAT NA PANGKARANIWANG PULONG NG SANGGUNIANG BAYAN NG SANTA ROSA, LAGUNA NA IDINAOS SA ARAW NG MIYERKOLES, IKA-26 NG SETYEMBRE, 2001 SA BULWAGANG PULUNGAN NG PAMAHALAANG BAYAN.

Mga Dumalo:

- |                               |                                                                    |
|-------------------------------|--------------------------------------------------------------------|
| 1. Kgg. JOSE B. CATINDIG, Jr. | - Pang. Punong-bayan-Namuno                                        |
| 2. Kgg. LUISITO B. ALGABRE    | - Kagawad                                                          |
| 3. Kgg. RAUL P. AALA          | - Kagawad                                                          |
| 4. Kgg. LAUDEMER A. CARTA     | - Kagawad                                                          |
| 5. Kgg. MARCELITO S. LASERNA  | - Kagawad                                                          |
| 6. Kgg. PETRONIO C. FACTORIZA | - Kagawad                                                          |
| 7. Kgg. ARTURO M. TIONGCO     | - Kagawad                                                          |
| 8. Kgg. ARTEMIO M. GOMEZ      | - Kagawad                                                          |
| 9. Kgg. ARIES A. ALCABASA     | - Kagawad, Pangulo ng Pambayang Pederasyon ng Sangguniang Kabataan |

Mga Di-Dumalo:

- |                       |                                                      |
|-----------------------|------------------------------------------------------|
| 1. Kgg. ERIC T. PUZON | - Kagawad                                            |
| 2. Kgg. ROMEO P. AALA | - Kagawad, Pangulo ng Samahan ng mga Punong-barangay |

\*\*\*\*\*

**KAUTUSANG BAYAN BLG. 1096-2001**

(Akda ni Pang. Punong-bayan JOSE B. CATINDIG, Jr.)  
(Sa mungkahi ni Kgg. Factoriza na pinangalawahan ni Kgg. Gomez)

ANG KAUTUSANG BAYAN NA NAGTATAKDA NA ANG PAGPAPATIBAY NG PAGKAKARON NG SARILING GARAHE/PARADAHAN AY MAGING KARAGDAGANG PANGSUORTA SA PAGKUHA NG PRANGKISA/LINYA/LEGALIZATION NG MGA PAMPASAHERONG TRICYCLE.

SAPAGKA'T, kapansin-pansin na karamihan sa mga may-ari ng sasakyang tricycle ay walang sariling paradahan, at ipinaparada lamang sa mga daan at kalsada na nagiging sanhi ng pagsikip ng daan at nag-aanyaya ding magdulot ng krimen kung mananakawan at aksidente;

SAPAGKA'T, mas mapapabuti at mapapa-ayos ang sektor ng tricycle sa bayan ng Santa Rosa, kung may matibay na batas sa mangangalaga sa sektor;

KAYA'T, sa pamamagitan ng isang mungkahing pinangalawahan ay:

IPINAPASIYA, tulad ng dito'y ginagawang PAGPAPASIYA at ngayon nga ay IPINASIYA ang pagtatakda na ang pagpapatibay ng pagkakaroon ng sariling garahe/paradahan ay maging karagdagang pangsuporta sa pagkuha ng prangkisa/linya/legalization ng mga pampasaherong tricycle, na tutugon sa sumusunod na pamamaraan at patakaran:



Republic of the Philippines  
MUNICIPALITY OF SANTA ROSA  
Province of Laguna


**OFFICE OF THE SANGGUNIANG BAYAN**

-2-


- SEKSIYON 1. Itinatakda na ang Katibayan ng pagkakaroon ng sariling garahe/paradahan ay maging karagdagang dokumentong pangsuporta sa pagkuha ng PRANGKISA/LINYA/LEGALIZATION ng pampasaherong tricycle.
- SEKSIYON 2. Ang Katibayang pinapaksa ay isang dokumentong magmumula sa Pamahalaang Bayan at kinakailangang lagdaan ng PUNONG-BARANGAY, kung saan nakatira ang may-ari at ng Pangulo ng Tricycle Operators and Drivers Association, kung saang ruta kabilang ang pampasaherong tricycle;
- SEKSIYON 3. Itinakdang ang pagpapatotoo, pagpapatunay ay magiging pananagutan ng lumagdag kinatawan ng TODA at ng Punong-barangay.
- SEKSIYON 4. Ang sinumang may-ari ng tricycle na lalabag sa Kautusang ito ay paparusahan sa paglabag ng Kautusang ito sa pamamagitan ng pagkansela ng ipinagkaloob ng prangkisa/linya/legalization at multa sa paglabag sa KAUTUSANG BAYAN Blg. 780-'99 na nag-aatas ng Paghila sa mga nakahimpil/nakaparadang sasakyan sa buong kahabaan ng mga daan sa Santa Rosa, Laguna.
- Gayundin ay binibigyang diin na mananagutan sa batas ang sinumang lalagda sa pagpapatunay na isusulit ng sinumang may-ari ng tricycle.
- SEKSIYON 5. Ang Kautusang ito ay susog sa KAUTUSANG BAYAN Blg. 914-'99, - ANG PAMBAYANG ALITUNTUNIN SA PAMAMASADA NG PAMPASAHERONG TRICYCLE AT PAGKAKALOOb NG PRANGKISA/LINYA/LEGALIZATION.
- SEKSIYON 6. Magkakabisa ang Kautusang ito sa Ika-1 ng Enero, 2002.

**BUONG PAGKAKAISANG PINAGTIBAY.**


Pinatotohanan:

  
**JOSE B. CATINDIG, Jr.**  
Pang. Punong-bayan

Pinagtibay:

  
**LEON C. ARCILLAS**  
Punong-bayan

PATOTOO:  
Pinatutunayan ko na ang Kautusang ito ay sipi mula sa katitikan ng Ika-34 Pangkaraniwang Pulong ng Sangguniang Bayan ng Santa Rosa, Laguna noong Ika-26 ng Setyembre, 2001.

  
**CYNTHIA M. GOMEZ**  
Pambayang Kalihim